



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
Broj: 02-02-71/99
Sarajevo, 09.06.1999. godine

Z A P I S N I K

5. SJEDNICE DOMA NARODA PARLAMENTARNE SKUPŠTINE BOSNE I HERCEGOVINE, ODRŽANE 9. JUNA 1999. GODINE

Sjednica je počela u 11,30 sati.

Sjednicom je predsjedavao Vladimir Šoljić, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 15 delegata Doma naroda Parlamentarne skupštine Bosne i Hercegovine.

Sjednici su prisustvovali članovi Vijeća ministara Bosne i Hercegovine i predstavnici Ureda Visokog predstvnika.

Nakon što je predsjedavajući konstatovao da sjednici prisustvuje 15 delegata i da ima kvorum za pravovaljano odlučivanje, predložio je sljedeći

DNEVNI RED

1. Usvajanje Zapisnika 4. sjednice
2. Prijedlog zakona o administrativnim taksama BiH
3. Prijedlog zakona o državnoj himni BiH
4. Razmatranje i usvajanje Zakona o državljanstvu BiH
5. Razmatranje i usvajanje Zakona o zastavi BiH
6. Razmatranje i usvajanje Zakona o grbu BiH
7. Razmatranje i usvajanje Zakona o telekomunikacijama
8. Razmatranje i usvajanje Okvirnog zakona o privatizaciji preduzeća i banaka u BiH
9. Prijedlog zakona o uslovima i načinima postupanja nadležnih državnih i pravosudnih organa u kažnjavanju ratnih zločinaca
10. Nacrt zakona o osnivanju zajedničkih policijskih snaga za suzbijanje terorizma, međuentitetskog kriminala i neovlaštene trgovine drogom
11. Prijedlog zakona o Vijeću ministara BiH
12. Prijedlog izmjena i dopuna Zakona o putnim ispravama BiH
13. Prijedlog zakona o izmjeni Zakona o putnim ispravama BiH
14. Prijedlog zakona o afirmaciji, čuvanju i zaštiti suvereniteta, teritorijalnog integriteta, političke nezavisnosti i međunarodnog subjektiviteta BiH u oblasti odgoja i obrazovanja

15. Prijedlog odluke o utvrđivanju kompleksa zgrada i zemljišta za smještaj institucija BiH, o njihovom statusu, uslovima i načinu korištenja
16. Prijedlog odluke o utvrđivanju statusa zgrade i zemljišta u Ul. M.Tita 25. i uslovima i načinu njihovog korištenja
17. Nacrt odluke o organizaciji Sekretarijata Parlamentarne skupštine BiH
18. Delegatska pitanja.

Predsjedavajući je predložio Domu da se tokom sjednice izjašnjavaju po predloženim tačkama dnevnog reda, što su delegati prihvatili.

AD – 1 Uavajanje zapisnika sa 4. jednice

Na zapisnik 4. sjednice Doma naroda nije bili primjedbi i isti je jednoglasno usvojen.

AD – 2

Prijedlog zakona o administrativnim taksama Bosne i Hercegovine

U principu Dom naroda na sjednici razmatra materijale poslije sjednice Predstavničkog doma, koji je za narednu sjednicu odgodio raspravljanje po ovom zakonu.

Zaključeno je jednoglasno da se razmatranje i rasprava o Prijedlogu zakona o administrativnim taksama BiH odgodi za narednu sjednicu Doma naroda.

AD - 3

Prijedlog zakona o državnoj himni Bosne i Hercegovine

Imajući u vidu da ovaj zakon na 3. sjednici. 25.02.1999. godine Dom naroda nije usvojio, predsjedavajući je upitao predstavnike Klubova delegata sva tri naroda da li ostaju pri svojim stavovima iznesenim na 3. sjednici, zašto je dobio potvrđan odgovor.

Zaključeno je da se Prijedlog zakona o Državnoj himni Bosne i Hercegovine razmatra na narednoj sjednici Doma naroda.

AD - 4, AD - 5 i AD -6

Zakona o državljanstvu BiH, Zakona o zastavi BiH i Zakona o grbu BiH (koje je Visoki predstavnik u skladu sa svojim ovlaštenjima donio na privremenim osnovama).

Zaključeno je da se raspravljanje o navedenim Zakonima odgodi nakon razmatranja na sjednici Predstavničkog doma.

Dom naroda je jednoglasno usvojio navedeni zaključak.

AD -7

Zakonu o telekomunikacijama

Ispred Radne komisije o prometu i komunikacijama izvještaj je podnio predsjedavajući Komisije Herceg Mugđin i predložio da Dom naroda usvoji Zakon u predloženim tekstu.

Po ovoj tački dnevnog reda nije vođena rasprava.

Dom naroda je jednoglasno usvojio Zakonu o telekomunikacijama.

AD -8

Okvirni zakon o privatizaciji preduzeća i banaka u Bosni i Hercegovini

Predsjedavajući je podsjetio da je Predstavnički dom na sjednici u prošlom sazivu usvojio Okvirni zakon o privatizaciji preduzeća i banaka u Bosni i Hercegovini u istovjetnom tekstu koga je Visoki predstavnik donio na privremenim osnovama.

U raspravi su učestvovali Momir Tošić i Avdo Čampara.

Delegat Momir Tošić zamolio je da se sačeka zvaničan stav Vlade Republike Srpske radi, u jednom dijelu, usaglašavanja zakona prema Dejtonskom sporazumu, i predložio da se zakon razmatra na sljedećoj sjednici.

Dom naroda jednoglasno je zaključio da se Okvirnom zakonu o privatizaciji preduzeća i banaka u Bosni i Hercegovini razmatra na narednoj sjednici.

AD -9, AD -10, AD -11, AD-12 i AD - 14

- Prijedlog zakona o uslovima i načinima postupanja nadležnih državnih i pravosudnih organa u kažnjavanju ratnih zločinaca;
- Nacrt zakona o osnivanju zajedničkih policijskih snaga za suzbijanje terorizma, međuentitetskog kriminala i neovlaštene trgovine drogom;
- Prijedlog zakona o Vijeću ministara BiH;
- Prijedlog izmjena i dopuna Zakona o putnim ispravama BiH; i
- Prijedlog zakona o afirmaciji, čuvanju i zaštiti suvereniteta, teritorijalnog integriteta, političke nezavisnosti i međunarodnog subjektiviteta BiH u oblasti odgoja i obrazovanja.

Predsjedavajući je mišljenja da se navedene tačke dnevnog reda ne razmatraju prije nego što Vijeće ministara ne dostavi mišljenje.

Avdo Čampara je mišljenja da Vijeće ministara navedene zakone uvrsti u dnevni red sjednice Vijeća i o zauzetom stavu dostavi mišljenje Parlamentarnoj skupštini Bosne i Hercegovine, nakon čega bi se uvrstili u dnevni red oba doma Parlamentarne skupštine BiH.

Zaključeno je da se od Vijeća ministara zatraži ponovo mišljenje za pet navedenih zakona čiji su predlagači poslanici.

Predsjedavajući je konstatovao da je navedeni zaključak jednoglasno usvojen.

AD -13 Prijedlog zakona o izmjeni Zakona o putnim ispravama Bosne i Hercegovine

O ovoj tački dnevnog reda nije vođena rasprava.

Dom naroda je jednoglasno usvojio Izmjenu Zakona o putnim ispravama Bosne i Hercegovine čiji je predlagač Vijeće ministara BiH kojim se produžava rok važenja putnih isprava sa 30.06. 1999. godine na 30.09.1999. godine.

AD -15 Prijedlog odluke o utvrđivanju kompleksa zgrada i zemljišta za smještaj institucija BiH, o njihovom statusu, uslovima i načinu korištenja

Predsjedavajući je upoznao prisutne da je o navedenoj odluci čiji je predlagač Vijeće ministara BiH postignuta jednoglasno saglasnost koji ostaju pri svom prijedlagu, i da je na sjednici Predstavničkog doma ispred poslanika RS podnesen prijedlog da se odluka razgraniči na dva dijela tj. da se prvi dio odnosi na smještaj zajedničkih institucija BiH i pravo vlasništva, a druga odluka na način i uslove korištenja. Kako prilikom glasanja o Amandmanu srpskih poslanika nije dobivena

entitetska većina, to se u skladu sa privremenim poslovníkom Predstavničkog doma treba pristupiti usaglašavanju.

U raspravi su učestvovali: Momir Tošić, Avdo Čampara i Vladimir Šoljić.

Momir Tošić je predložio ispred Kluba srpski delegata da se ovoj tački dnevnog reda ne raspravlja dok se ne pokuša postići saglasnost na osnovu zaključka Predstavničkog doma, i da se na narednoj sjednici razmatra ova tačka dnevnog reda.

Dom naroda je jednoglasno prihvatio navedeni prijedlog.

AD - 16 Prijedlog odluke o utvrđivanju statusa zgrade i zemljišta u Ul. M.Tita 25 i uslovima i načinu njihovog korištenja

U raspravi su učestvovali: Momir Tošić, Avdo Čampara i Vladimir Šoljić.

Momir Tošić je predložio ispred Kluba srpski delegata da se ovoj tački dnevnog reda ne raspravlja, dok se ne pokuša postići saglasnost na osnovu zaključka Predstavničkog doma, i da se na narednoj sjednici Doma naroda razmatra ova tačka dnevnog reda.

Dom naroda je jednoglasno prihvatio navedeni prijedlog.

AD -17 Nacrt odluke o organizaciji Sekretarijata Parlamentarne skupštine BiH

Ispred Administrativne komisije Avdo Čampara je istakao da je dogovoreno da Administrativne komisije oba doma usaglasie mišljenja oko formiranja Sekretarijata uz sugestiju da bi umjesto naziva "Sekretarijat" bio naziv "Stručne službe Parlamentarne skupštine BiH" i zajedno sa Privremenim Sekretarijatom na osnovu iznesenih prijedloga, primjedbi i sugestija sačine prijedlog Odluke. Takođe je predložio da u nadležnosti Administrativnih komisija, do konačnog usvajanja Poslovnika, u opisu poslova bude između ostalog i donošenje Odluka o statusu poslanika i drugih radnika u Parlamentarnoj skupštini BiH.

U raspravi su učestvovali: Zorić Vinko, Vladimir Šoljić, Mugdin Herceg i Drago Ljubičić.

Ispred Kluba Hrvatskih delegata Vinko Zorić je predložio da svaki dom zasebno treba da ima Sekretarijat odnosno da radna tijela oba doma imaju posebno sekretare, da se izabere generalni sekretar i sekretari domova.

Nakon rasprave predložen je zaključak, da Komisija o administrativnim pitanjima Doma naroda zajedno sa Komisijom o administrativnim pitanjima Predstavničkog doma i Privremenim Sekretarijatom u narednih 30 dana pripremi prijedlog Odluke o organizaciji Sekretarijata.

Dom naroda je jednoglasno usvojio navedeni zaključak.

Odgovor Ustavnom sudu BiH po zahtjevu za ocjenu ustavnosti zakona o Vijeću ministara BiH i ministarstvima BiH pokrenutog po zahtjevu Mirka Banjca, zamjenika predsjedavajućeg Predstavničkog doma.

O ovoj tački prisutne je upoznao Avdo Čampara da Dom naroda učestvuje u donošenju Zakona o Vijeću ministara zbog čega je potrebno da o navedenom zauzme stav i predložio zaključak da se ovlasti Komisija o ustavnim i pravnim pitanjima da pripremi odgovor Ustavnom sudu BiH, s kojim će upoznati Dom.

Dom naroda je jednoglasno usvojio navedeni zaključak.

AD –18 Delegatska pitanja

Delegat **Đoko Pajić**, je postavio pitanje i pokrenuo inicijativu:

1. Da li je i ko dao saglasnost za korištenje vazdušnog prostora BiH za agresiju na SR Jugoslaviju?

Ako nije niko dao saglasnost da li se pokušala spriječiti agrasija?

Uputio je inicijativu Predsjedništvu BiH i ostalim zajedničkim nadležnim institucijama BiH: “ da se omogući osuđenim licima koja se nalaze u pritvoru, odnosno zatvoru u entitetima u kojima ne žive, da se vrate u zatvore na izdržavanje kazne u entitete u kojima su živjeli do suđenja, do donošenja zakona o amnestiji i pomilovanju.

Na kraju zasjedanja predsjedavajući Vladimir Šoljić je obavijestio delegate da će se 19. 06. 1999. godine sa početkom u 15 sati održati zajednička sjednica oba doma Parlamentarne skupštine Bosne i Hercegovine na kojoj bi se predsjedavajući komiteta ministara Vijeća Evrope i ministar vanjskih poslova Islanda gospodin Harold Azgibson i generalni sekretar Vijeća Evrope gospodin Danijel Tarčiz iz Vijeća Evrope obratili skupu.

Takođe predsjedavajući je upoznao prisutne da je određena parlamentarna delegacija za posjetu Parlamentu Republike Francuske od 10 članova i tročlana delegacija za posjetu Švicarskoj.

Sjednica je završila sa radom u 12,30 sati.

Sastavni dio ovog zapisnika su tonski zapis i magnetofonski snimak.

PREDSJEDAVAJUĆI
DOMA NARODA
PARLAMENTARNE SKUPŠTINE BiH
mr. Vladimir Šoljić